


Antzinara begira aurrera egiteko

Tempus fugit! Bape igarri barik zahartzen gara! Atzoko kontua dirudi baina badira laupabost urte *Kurik* amaitu behar zela-eta beste bilduma bat ateratzea pentsatu genuena, *Kresaletik* bilduma, eta *Lekeitio, idatziak eta irudiak* liburuarekin estreinatu zen. Baina liburua liburuki bihurtu zen eta lana, gustura egin arren, lan amaigabea. Hiru liburuki beranduago, Franco hil da, amaitutzat emango dut ahalegina. Inteligentzia Artifizialak, IA ahalguztidunak, egin beharko du laugarrena, nik neuk ez! IAk salbatuko gaitu!

Hirugarren sarrera da eta ez ditut esandakoak errepikatu nahi. Asmoak, ardurak etab. azalduta daude, beraz, aipatu ere ez ditut egingo. Kexak ere kanpoan utziko ditut: ez dut esango kanpoan utzi behar izan ditudala hainbat gertaera, beste batzuk ezin izan ditudala nahi beste ikertu, zorri zantarrek¹ loa kendu didatela... Hori bai, lagundu didatenak eskertuko ditut, horien laguntza barik ez zelako proiektu hau burutuko.

Etxekoekin hasiko naiz, zerua irabazita duzue! *On be ordenadorean aurrian...* gure etxean sarritan entzuten den kanta da. Meñakara egingo dut salto,  anaia Ibonengana. Zoratu-zoratu egiten dut, berak orraztu eta hobetu ditu irakurtzen ari zaren testuak. Asmatzeak bereak dira, HUTSAK nireak. Nire alde, kanta zaharrean islako akerra mozkortzen den antzean, ardoarekin ha, ni mozkortu, nahastu, egiten naizela ezinbestean hainbeste testu, letra familia eta abarrekin.



Helvetica



indartuak

VIPER NORA

Traveling Typewriter



24, 18, 14, 10, 6...;

puntu eta koma



komatxoak

etzanak,

Zuzenak

GOTHAN

oharrek

lerro umezurtzak

Crimson

komak
lerro alargunak

Zorabiatuta, zuzendutakoak berriro okertzen ditut. Noiz edo noiz eskeini dut nire erreinua zuzentzaile baten truke; ez dut ideiaz aldatu, zuzentzaile zorrotza banu behinik behin zerua lurrean izango nuke, zerua zeruan auskalo! Hurrengo jauziak Gizaburuagara narama Kiñukako Jon Josu eta Jon Iñakiren lan nekaezina bezain bikaina eskertzeko. Nekez lortuko nukeen nahi izan dudana aipatutakoen laguntza —eta pazientzia— barik.

Eskertu behar ditut baita nire lagun Markues marrazkilaria (txistelaria) eta Maite eta Iñaki kurikeruak be —titulu horrekin azalpenak soberan daude—. Isaias Gezuraga, Jose Mari Arriola eta Manu Ugartetxea ere beti daude laguntzeko prest. Ez nuen azkenengo zenbakian Iñaki Madariaga Vidal eskertu, harek egindako lana, batez ere hemerrotekakoa, primeran etorri zait.

Ale honetarako beste batzuen laguntza ere izan dut. Juan Luis Ajubitaren argazki zoragarriekin hasi behar dut; hiru baino ez dizkizuet erakutsiko, besteak hurrengo baterako gorde ditut mizkino baten antzean. Grenier familia aspaldi eskertu genuen baina ez da ezer pasaten, *merci* berriro! Saavedra Ordorika familiak *Vita* ontziaren gaineko dokumentu eta argazkiak utzi dizkigu. Eskerrik beroenak Maiteri eta muxu handi bat ama Nileri.

Amaitu aurretik, aurreko udalbatzak eskertu behar ditut *Kresaletik* bilduma honi babes ematearren, eta zoriondu eta zorzea opa berriari.


Bi urte geratzen zaizkigu 700. urteurrena ospatzeko, egin geinke!

Yes, we can!




Ilobei, Ruben, Maia, Ekain eta Aroari

¹ Iñaki Goioanaren XXS orraziak ere ezin du akabatu horiekin! Salomon eredu, XX. mendeko gaztelaniazko testuen ortografia zuzendu dut, tilde kontua izan da batik bat eta aurreko mendeetakoak bakean utzi ditut.



puntuak
tarteak
oinak
tilde P...



OCR

OCR

OCR

OCR



En Lequeitio...



PENSION. - RESTAURANTE. - BAR. - SALON DE TE
Man Spricht Deutsch
On Parle Français
English Spoken
Ambiente Familiar, Cocina Española y Francesa
Degustación de Langostas a cada Hora

Cosmopolita

Avenida del Generalísimo Franco, 4. Teléfono, 145. LEQUEITIO



Playas de Lequeitio;

las más bellas del Cantábrico,
sus aguas limpias, su arena suave
hacen de ellas las más con-
curridas.

